



Iván Rodríguez Jiménez, secretario do Xurado Provincial de clasificación de montes veciñais en man común de Ourense

CERTIFICO:

Que na sesión do **9 de setembro de 2024** o Xurado adoptou, entre outros, o seguinte acordo:

I.- Expediente de clasificación como veciñal en man común do monte denominado "Ampliación de Serra de Toro", pertencente aos veciños de Toro, no concello de Laza. Os representantes do monte non acudiron á reunión, a pesares de seren citados.

O Xurado acorda a clasificación do monte, unha vez publicado polo concello o edicto do inicio da clasificación como monte veciñal en man común polo período dun mes sen que se presentasen alegacións, publicado tamén o edito no DOG e recibida a certificación do Rexistro da Propiedade.

Vº. e prace

O Presidente do Xurado

José Antonio Armada Pérez

Añado por: ARMADA PÉREZ, JOSÉ ANTONIO
Cargo: O Presidente do Xurado
Data e hora: 08/05/2025 11:42:04

Añado por: RODRÍGUEZ JIMÉNEZ, IVÁN
Cargo: Xefe de Sección do Servizo Xurídico-Administrativo
Data e hora: 08/05/2025 11:05:24



VI. ANUNCIOS**A) ADMINISTRACIÓN AUTONÓMICA****CONSELLERÍA DO MEDIO RURAL**

EDICTO do 2 de outubro de 2024, do Xurado Provincial de Clasificación de Montes Veciñais en Man Común de Ourense, polo que se publica a resolución do expediente de clasificación como veciñal en man común do monte denominado Ampliación de Serra de Toro, a favor da Comunidade de Montes Veciñais en Man Común de Toro, no concello de Laza.

En cumprimento do disposto no artigo 28 do Regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, e de conformidade co disposto no artigo 45 da Lei 39/2015, do 1 de outubro, do procedemento administrativo común das administracións públicas, faise público que o Xurado Provincial de Clasificación de Montes Veciñais en Man Común de Ourense, en sesión que tivo lugar o 9 de setembro de 2024, adoptou a seguinte resolución:

Examinado o expediente de clasificación como veciñal en man común do monte denominado Ampliación de Serra de Toro, a favor da Comunidade de Montes Veciñais en Man Común de Toro, no concello de Laza, resultan os seguintes feitos:

Primeiro. Con data do 25 de novembro de 2022 tivo entrada no rexistro da Xefatura Territorial da Consellería do Medio Rural escrito dirixido ao Xurado Provincial de Clasificación de Montes Veciñais en Man Común da CMVMC de Toro, en que solicitaba a clasificación como veciñal en man común de varias parcelas denominadas Ampliación de Serra de Toro.

Segundo. Con data do 11 de decembro de 2023, o xurado provincial acorda iniciar o expediente de clasificación como veciñal en man común do referido monte, designando instrutor e realizando as comunicacións e publicacións a que fan referencia os artigos 20, 21 e 23 do Regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, abrindo un período de un mes para a práctica de alegacións.

Terceiro. No prazo concedido para a práctica de alegacións non consta que se presentase ningunha.



Cuarto. O monte obxecto de clasificación, de acordo coa documentación que figura no expediente, descríbese así:

Nome do monte: Ampliación de Serra de Toro.

Superficie: 41,15 ha.

Pertenza: CMVMC de Toro.

Parroquias: Toro (San Lourenzo) e Camba (San Salvador).

Concello: Laza.

Descrición dos predios que constitúen o monte:

Predio único:

Os terreos incluídos neste predio constitúen un único couto redondo, segundo a definición que figura no artigo 8 da Lei 7/2012, do 28 de xuño, de montes de Galicia, ben que están atravesados polos camiños correspondentes ás parcelas coas referencias catastrais 32040A13609008, 32040A13609010, 32040A13709003, 32040A13709004, 32040A13709006, 32040A13709007 e 32040A13709008.

Parcelas obxecto de clasificación	Parcelas estremeiras	
Referencia catastral	Lindes	Referencia catastral
32040A13600349 (parte) 32040A13600350 32040A13700010 (parte) 32040A13700111 32040A13700131 32040A13700132 32040A13700135 32040A13700136 32040A13700137 32040A13700139 32040A13700145	Norte	32040A13700005 32040A13700006 32040A13700008 32040A13700009 32040A13700036 32040A13700037 32040A13700081 32040A13700080 32040A13700082 32040A13700083 32040A13700084 32040A13700085 32040A13700077 32040A13700088 32040A13700089 32040A13709008 32040A13700099 32040A13700110 32040A13700114 32040A13700115 32040A13700116 32040A13700118 32040A13700119 32040A13700120
	Leste	32040A12509007 32040A13700121 32040A13700122 32040A13700123 32040A13700124 32040A13700125 32040A13700127 32040A13700128 32040A13700129



Parcelas obxecto de clasificación	Parcelas estremeiras	
Referencia catastral	Lindes	Referencia catastral
	Sur	32040A12409001 32040A12309004 32040A13709002
	Oeste	32040A13609007 32040A13609010 32040A13709009 32040A13609011 32040A13600349 (resto) 32040A13609008 32040A13700010 (resto)

Fundamentos de dereito:

Primeiro. O Xurado Provincial de Clasificación de Montes Veciñais en Man Común é o órgano competente para coñecer os expedientes de clasificación dos montes que teñan tal carácter, de acordo co establecido no artigo 9 da Lei 13/1989, do 10 de outubro, de montes veciñais en man común.

Segundo. De conformidade co disposto no artigo 1 da devandita lei «son montes veciñais en man común... os que, con independencia da súa orixe, as súas posibilidades produtivas, o seu aproveitamento actual e a súa vocación agraria, pertencen a agrupacións veciñais na súa calidade de grupos sociais e non como entidades administrativas, e se veñan aproveitando consuetudinariamente en réxime de comunidade sen asignación de cotas polos membros daquelas na súa condición de veciños».

Terceiro. É reiterada doutrina da Sala do Contencioso-Administrativo do Tribunal Supremo que son dúas as notas características dos montes veciñais en man común: unha, o aproveitamento consuetudinario en man común, e outra, a atribución da titularidade dese aproveitamento aos veciños integrantes dun grupo social determinado, independentemente da súa cualificación ou non como entidade administrativa, correspondendo constatar o aproveitamento e atribuír a titularidade a favor do grupo social que o veña gozando ao Xurado Provincial de Clasificación de Montes Veciñais en Man Común de Ourense.

Cuarto. O carácter de monte veciñal en man común acreditouse mediante as testemuñas dos veciños solicitantes, as actuacións realizadas polo Servizo de Montes, e a documentación que consta no expediente.

En consecuencia co que antecede, examinada a Lei 13/1989, do 10 de outubro, de montes veciñais en man común, o seu regulamento, aprobado polo Decreto 260/1992, do



4 de setembro, o Decreto 148/2024, do 20 de maio, que establece a estrutura orgánica da Consellería do Medio Rural, e demais normativa legal e regulamentaria, o xurado provincial, por unanimidade dos seus membros,

RESOLVE:

Clasificar como monte veciñal en man común o monte denominado Ampliación de Serra de Toro, a favor da Comunidade de Montes Veciñais en Man Común de Toro, no concello de Laza, de acordo coa descrición realizada no feito cuarto.


Contra esta resolución, que pon fin á vía administrativa, poderase interpoñer recurso potestativo de reposición perante o Xurado Provincial de Clasificación de Montes Veciñais en Man Común de Ourense no prazo dun mes, ou ben directamente recurso contencioso-administrativo perante o Xulgado do Contencioso-Administrativo de Ourense, no prazo de dous meses contados desde o día seguinte ao desta notificación, de acordo co disposto no artigo 12 da citada Lei 13/1989, nos artigos 123 e 124 da Lei 39/2015, do 1 de outubro, do procedemento administrativo común das administracións públicas, e nos artigos 8 e 46 da Lei 29/1998, do 13 de xullo, reguladora da xurisdición contencioso-administrativa.

Ourense, 2 de outubro de 2024

José Antonio Armada Pérez
Presidente do Xurado Provincial de Clasificación de
Montes Veciñais en Man Común de Ourense

CVE-DOG: hdlpq62-ozc3-0gc4-quf7-hjb06enuxz15





-  Terreos propostos polo Servizo de Montes para a clasificación
-  Terreos incluídos na solicitude
-  Montes clasificados